

天一閣藏明代方志選刊

固始縣志

一九六三年九月上海古籍
書店據寧波天一閣藏明嘉
靖刻本景印原書版框高二
〇·五公分寬一四·九公分

固始縣志序

賜進士河南汝寧府通判前監察御史

建寧府知府

趙氏

固始志志固始也前無志而張子之志在焉志元
以義起也興地則廣以彖建置則沿以革民物則
登以耗以官師者覈其故以選舉者稽其終以人
物者論其定禮也而繁述也而雜文也而藝是弗
可以弗志也地以立政政以宜民民以建官官以
司舉舉以考業業以行禮禮以坊民是弗可以弗

志也沿革以盡變而廣袤之地以統登耗以因時
而得失之故可覈名世之臣由此其選而士有所
勸異端時文之弊惟禮可以已之而化有所裁是
弗可以弗志也志成而張子之志弗荒矣志以行
政政以敷教教以漸俗俗以成風風之自固志之
爲之也而志之時義大矣哉余於張子同年且嘗
同臺其謫之地又同被

命而去也薦余以自代余至而志適成入其境城池

郭然而高深三軍之士昂昂然而有朝氣吏胥凜
然田野之小人閑閑然里甲惟正之外帖然其無
譁公私之交際嗇然其朴而士之談仁義道德者
斐然其成章也問之則曰吾得諸志之山川戶口
焉咨諸志之風物習俗焉師諸志之名宦人物焉
夫然後知匪徒志之實允迪之而張子之志果不
荒矣獨惟囂囂持牒之徒尚有如志之所謂躁勁
而健訟者豈張子目稟剛正不撓之性未嘗以和

平風之耶抑固之人之性有未易以風焉者也語
曰近臣守和張子復爲近臣矣方將以和平感天
下而固有不足於固者耶和平之感禮義出焉則
斯志也亦禮義之大宗而春秋之凡例也故曰志
凡以義起也

刻固始縣志序

賜進士江西按察司僉事致仕前監察御史邑人朱冠謨

固始舊有成化間志近事固缺索之往事亦未備壬申之變止拾數紙於煨燼之餘所謂未備者遺又半矣於是固始稱無志前令華亭吳侯嘗屬鄉薦士胄子良輩續修之未幾吳去而續亦廢嘉靖庚子秋今令太原張侯子階以南臺御史言事謫茲邑下車省及志

衆無以對侯曰無志是無邑也官於斯者何
所考以量行其政生於斯者何所賴以私淑
諸人關繫匪細是誠在我時初政旁午未暇
即行已而

欽差巡撫魏公檄文至督屬修志甚嚴侯愕然
曰是何神也興事顧有數耶愈不容緩即日
闢館仍招子良佐其事校勘之司則以均之
縣學僚佐與邑之待用諸君子焉其分門析

類易獲增新因人而繪之圖隨事而發其義
多侯之自裁而無所籍焉者甫就緒侯復以
戶曹主政被

徵機會亦奇矣哉百年曠典煥然一新不出
戶庭不俟延訪一邑之形勝風俗人材物產
之類舉在目前可勸可懲義亦攸寓侯之辦
此亦良勤哉其所以仰副上司嘉惠後學之
意亦誠且切哉有簡尚虛天方巨匠遠莫之

致侯以屬余余病居林下越三十年束書不
觀久矣矧一時文體習尚多未之諳老格常
談恐爲志羞辭之再四侯弗許且曰得失在
志不在序第言之文不文奚病焉余不能應
乃勉成之一以謝侯一以賀吾邑之復有志
也

修固始縣志序

賜進士第戶部主事前監察御史知固始縣事晉張梯撰

竊謂古人修辭取其達意夫人苟有獨見足以定志而垂訓焉斯亦已矣不必有所效也今之志者多倣史記諸書體裁拘泥則立言反晦矣予令固始讀寢野葛子志草重其該博詳盡采衆體自成一家蓋善于作述者也然事有所畧而詞有所靳要亦有所諱焉耳夫寢野子鄉人也其用意厚

矣乎

梯

始視篆即欲修輯而

州牧石亭萬公至邑首加詢訪遂承命聘葛子與
之同事既而

郡牧對竹馬公

督校雪山焦公

憲伯豐山孫公各以

撫臺淺齋魏翁檄飛督走促而予轉官戒行遂卒成
之適

漸齋劉公以署篆至乃付梓焉兩月而成可謂遇
矣是志也不揣孤陋刪定損益書乃就緒盡予之
力以成寢野子之志體式序論多出己意不必有
所效也其間傳衍失真是非頗繆自司馬子長而
下不能免焉况後學乎是固不敢辭也刊而正之
則在後之君子

纂固始縣志序

周官詔地志則有圖詔觀事則有志圖志之作尚

矣固始舊遺薛志嘉靖辛卯吳令屬臣續葉未就
今令張南垌下車即欲振廢而

州守萬石亭公按邑首詢縣志師儒僉以彙對命
督成之南垌承教采對分更分漏大筆特書各爲
序論羅絡三才訂爲十志首圖像竟藝文者有圖
像而後與地成達置措民物蕃官師立選舉典人
物鍾典禮煥雜事出藝文以形也彙綜群品志各
八目首星野終祥異者師尹惟日庶民惟星欲月

政教者不負人代之托也以臣昔嘗從事命纂其
目是以敢忘固陋效顰訥齋於圖像則章人文輿
地則叅圖經建置則據舊籍民物則本食貨官師
人物古則稽於正史兼及集錄今則訪於鄉達覈
於今令選舉則考鄉書典禮則遵

會典雜述則採稗官錄齊諧藝文則搜放逸剔英
華臣也末學晚生用佐編摩是非予奪一無敢與
焉然輿地選舉兼乎表官帥人物兼乎傳建置民

物兼乎圖雜述兼乎子藝文兼乎集一志而諸體
備五旬成修之者之功也臣何力之有

嘉靖壬寅夏五端陽寢野葛臣拜識于二思書塾

汝寧府光州固始縣爲查取誌書文籍事奉本府
帖文篆

欽

差巡撫河南都察院右僉都御史魏鈞牌照得
河南列郡素稱文獻之邦臺憲觀風當曉古今之
蹟庶資聞見以爲罷行所據各府州縣誌書并刊
行各色書籍擬合查取着落當該官吏照牌事理
即行本府各屬州縣掌印官各將刊完誌書并有
古今聖賢文籍各一部固封差人送院施行其無
誌書去處即申提學道衙門或境內博學能文鄉
宦或見任儒學教官刪修成集工完一併印送仰
縣一體遵照施行蒙此查得本縣誌書自成化五
年知縣薛良修成簡畧遺漏兵燹無存嘉靖十年
知縣吳周申明禮聘舉人葛臣等纂集未成本官
去任嘉靖十九年知縣張梯到任訪得葛臣鄉居
博學考訪詳盡收藏原稿歷年補遺正誤積累成
書即取到官重加刪定間今蒙前因遵行儒學查